



Broj: 01-50-4-2344-4/24

Sarajevo, 7. 5. 2024.

ПАРЛАМЕНТАРНА СКУПШТИНА БИХ
ПРЕДСТАВНИЧКИ ДОМ

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 07.05.2024

Organizaciona jedinica	Klasifikaciona oznaka	Redni broj	Broj priloga
01-50-4-		901	124

PREDMET: Izvještaj o radu s prijedlogom mjera za zaštitu i sigurnost povratnika u BiH

Poštovani,

Na osnovu zaključaka Predstavničkog doma Parlamentarne skupštine BiH, donesenih na 7. hitnoj sjednici održanoj 21. 9. 2023. godine, Radno tijelo Predstavničkog doma za izradu prijedloga mjera za zaštitu i sigurnost povratnika utvrdilo je i u prilogu dostavlja Izvještaj o radu s prijedlogom mjera za zaštitu i sigurnost povratnika u BiH.



Prilog:

- Izvještaj o radu s prijedlogom mjera za zaštitu i sigurnost povratnika u BiH



Broj: 01-50-4- 24

Sarajevo, 2. 4. 2024.

Na osnovu zaključaka Predstavničkog doma Parlamentarne skupštine BiH, donesenih na 7. hitnoj sjednici, održanoj 21. 9. 2023, **Radno tijelo** Predstavničkog doma za izradu prijedloga mjera za zaštitu i sigurnost povratnika u BiH je na 4. sjednici **utvrdilo** i Predstavničkom domu Parlamentarne skupštine BiH podnosi

IZVJEŠTAJ

o radu s prijedlogom mjera za zaštitu i sigurnost povratnika u BiH

I. Uvodne napomene

Predstavnički dom Parlamentarne skupštine Bosne i Hercegovine je na 7. hitnoj sjednici, održanoj 21. 9. 2023, raspravljajući o temi: „Učestali napadi na povratnike na području entiteta Republika Srpska i Prijedlog mjera i aktivnosti na poboljšanju sigurnosti povratnika na teritoriji Bosne i Hercegovine“, usvojio zaključke:

„1. Predstavnički dom Parlamentarne skupštine Bosne i Hercegovine osuđuje sve napade na povratnike u Bosni i Hercegovini.

2. Predstavnički dom Parlamentarne skupštine Bosne i Hercegovine formira radno tijelo sastavljeno od predstavnika svih klubova poslanika sa zadatkom da u roku od 45 dana Predstavničkom domu predloži mjere za zaštitu i sigurnost povratnika u Bosni i Hercegovini.“

U skladu sa usvojenim zaključcima, svi klubovi poslanika dostavili su svoje prijedloge članova Radnog tijela u periodu od 23. 9. do 8. 11. 2023, te su članovi Radnog tijela Predstavničkog doma za izradu prijedloga mjera za zaštitu i sigurnost povratnika u BiH (u daljnjem tekstu: Radno tijelo) bili: Nihad Omerović, Miroslav Vujičić, Edin Ramić, Milan Dunović, Ermina Salkičević-Dizdarević, Milan Petković, Nenad Grković, Slavko Matić i Sabina Ćudić, dok su stručnu i administrativno-tehničku pomoć pružali zaposleni u Uredu sekretara Zajedničke komisije za ljudska prava.

II. Aktivnosti Radnog tijela

Radno tijelo održalo je četiri sjednice i jedan sastanak.

Konkretnije, **konstituirajuća sjednica** održana je 14. 11. 2023, na kojoj je za predsjedavajućeg izabran Nihad Omerović.

Druga sjednica održana je 20. 11. 2023. Na sjednici su za prvog odnosno drugog zamjenika predsjedavajućeg izabrani Nenad Grković i Slavko Matić. Na istoj sjednici utvrđen je i Plan rada Radnog tijela, kojim je bilo predviđeno da se od Ministarstva za ljudska prava i izbjeglice BiH, entitetskih ministarstava za raseljena lica i entitetskih ministarstava unutrašnjih poslova, te odgovarajućih tijela Brčko distrikta BiH zatraži dostavljanje izvještaja o stanju sigurnosti povratnika na teritoriji Bosne i Hercegovine/entiteta; organizira zajednički sastanak s predstavnicima navedenih institucija s ciljem analize postojećeg stanja i definiranja zaključaka za poboljšanje sigurnosti i zaštite povratnika; zatraže izvodi iz registra udruženja, s ciljem dobivanja informacije o registriranim udruženjima povratnika, te sačini plan posjeta, s konačnim rezultatom „predlaganja mjera Predstavničkom domu za zaštitu i sigurnost povratnika u Bosni i Hercegovini“.

Treća sjednica održana je 20. 12. 2023. Na sjednici je konstatirano da su odgovore na upit, kojim se tražilo dostavljanje informacije s posebnim osvrtom na:

„a) podatke o ukupnom broju napada i konkretnim lokacijama napada na povratnike na teritoriji Federacije Bosne i Hercegovine / Republike Srpske / Brčko distrikta BiH;

b) podatke o pravnoj kvalifikaciji napada na povratnike (za svaki slučaj pojedinačno);

c) podatke o aktivnostima koje su preduzela nadležna ministarstva unutrašnjih poslova (od Federalnog MUP-a molimo podatke i za svaki kanton pojedinačno) u vezi s: brojem riješenih slučajeva (brojem identificiranih napadača i njihovom procesuiranju) i brojem neriješenih slučajeva, odnosno slučajeva koji nisu rasvijetljeni“;

dostavili: Ministarstvo za ljudska prava i izbjeglice BiH, Federalno ministarstvo unutrašnjih poslova, Republički sekretarijat za raseljena lica i migracije Vlade Republike Srpske, te Policija i Odjel za raseljena lica, izbjeglice i stambena pitanja Brčko distrikta BiH. Ministarstvo unutrašnjih poslova Republike Srpske i Federalno ministarstvo za raseljena lica i izbjeglice nisu dostavili odgovore. Od ukupnog broja udruženja, njih 66, na koliko je dostavljen dopis,

odgovore je dostavilo njih šest, te su još dva udruženja samo potvrdila prijem dopisa. Također, članovi Radnog tijela upoznati su s teškoćama koje su se javljale u pokušajima uspostavljanja kontakta s pojedinim udruženjima, a u smislu prestanka rada pojedinih udruženja, promjene rukovodstva, promjene djelokruga i slično. Sjednica je okončana prihvatanjem zaključaka: „1. Radno tijelo će, u najkraćem mogućem roku, organizirati sastanak s ministrom za ljudska prava i izbjeglice BiH, entitetskim ministrima za raseljena lica i entitetskim ministrima unutrašnjih poslova, te predstavnicima Policije Brčko distrikta BiH i Odjela za raseljena lica, izbjeglice i stambena pitanja Brčko distrikta BiH; 2. Po održanom sastanku i definiranju seta mjera za poboljšanje statusa povratnika, bit će sačinjen plan posjeta porodicama napadnutih povratnika“.

U skladu s jednim od zaključaka s 3. sjednice, Radno tijelo organiziralo je sastanak s ciljem razmatranja problematike sigurnosti povratnika na teritoriji Bosne i Hercegovine s predstavnicima državnih i entitetskih institucija, te institucija Brčko distrikta BiH, kojem su prisustvovali predstavnici Ministarstva za ljudska prava i izbjeglice BiH: Sevlid Hurtić, ministar, i Nina Mišković, sekretarka Ministarstva; predstavnici Federalnog ministarstva unutrašnjih poslova: Ramo Isak, ministar, Vahidin Munjić, direktor Federalne uprave policije Federalnog MUP-a, i Ervin Mušinović, federalni inspektor; Siniša Kosorić, glavni inspektor Uprave policije Ministarstva unutrašnjih poslova Republike Srpske; Dejan Mutić, pomoćnik direktora Republičkog sekretarijata za raseljena lica Republike Srpske; te Dragomir Nišić, komandir Jedinice opće policije Brčko distrikta BiH, i Amir Softić iz Odjeljenja za raseljena lica i izbjeglice i stambena pitanja Vlade Brčko distrikta BiH. Sastanak je održan usvajanjem zaključka kojim se od predstavnika državnih, entitetskih i institucija Brčko distrikta BiH traži da, u skladu s djelokrugom svojih nadležnosti, dostave prijedlog mjera koje će podrazumijevati prevenciju i veći stepen sigurnosti povratničke populacije.

Četvrta sjednica sazvana je i održana 1. 4. 2024. Na sjednici je konstatirano da su, u skladu sa zaključcima prethodno održanog sastanka, prijedlog mjera dostavili Ministarstvo za ljudska prava i izbjeglice BiH, Federalno ministarstvo unutrašnjih poslova, Republički sekretarijat za raseljena lica i migracije Vlade Republike Srpske, te Policija Brčko distrikta BiH i Ministarstvo unutrašnjih poslova Republike Srpske, koji se dostavljaju u prilogu ovog izvještaja. Odgovore nisu dostavili Odjel za raseljena lica, izbjeglice i stambena pitanja Brčko distrikta BiH i Federalno ministarstvo za raseljena lica i izbjeglice.

III. Mjere i aktivnosti za poboljšanje sigurnosti povratnika na teritoriji Bosne i Hercegovine

U skladu s mjerama koje su predložile navedene institucije i članovi Radnog tijela, utvrđene su sljedeće mjere i aktivnosti za poboljšanje sigurnosti povratnika na teritoriji Bosne i Hercegovine koje se predlažu Predstavničkom domu na razmatranje i odlučivanje:

1. Pozivaju se entitetska ministarstva unutrašnjih poslova i Policija Brčko distrikta BiH da Ministarstvu sigurnosti BiH i Ministarstvu za ljudska prava i izbjeglice BiH jednom u šest mjeseci dostavljaju informacije o napadima na povratnike i njihovu imovinu, posljedicama koje su nastupile i mjerama koje su preduzete prema izvršiocima tih djela. Obavezuju se Ministarstvo sigurnosti BiH i Ministarstvo za ljudska prava i izbjeglice BiH da Predstavničkom domu Parlamentarne skupštine BiH jednom u šest mjeseci dostavljaju informacije prikupljene od entitetskih ministarstva unutrašnjih poslova i Policije Brčko distrikta BiH te informacije o aktivnostima koje su ta ministarstva preduzela s ciljem otklanjanja svih (eventualnih) oblika ugrožavanja i diskriminacije povratničke populacije;
2. Pozivaju se entitetska ministarstva unutrašnjih poslova i Policija Brčko distrikta BiH da osiguraju etnički balans u policijskim strukturama i usklade etničku strukturu zaposlenih s popisom stanovništva iz 1991. godine te da, u roku od šest mjeseci od dana usvajanja ovih mjera, Predstavničkom domu Parlamentarne skupštine BiH dostave podatke o preduzetim aktivnostima i etničkoj pripadnosti zaposlenih u svojim strukturama;
3. Pozivaju se nadležni policijski organi da uspostave područne policijske urede i osiguraju prisustvo policijskih službenika u njima, odnosno da intenziviraju aktivnosti u kritičnim periodima, u smislu redovnijih i učestalijih obilazaka patrolnih sektora i pozorničkih rejona s ciljem intenziviranja saradnje s povratničkom populacijom i vraćanja povjerenja u policiju;
4. Pozivaju se nadležni policijski organi na uspostavu i aktiviranje lokalnih sigurnosnih foruma, unapređenje saradnje s povratničkim udruženjima i veći stepen koordinacije s policijskim organima svih nivoa vlasti;
5. Pozivaju se nadležni organi na dosljedno provođenje istražnih radnji i procesuiranje osumnjičenih za počinjene prekršaje i krivična djela učinjena prema povratnicima.

Konačno, kao jednu od mjera, Radno tijelo utvrdilo je **Prijedlog zakona o dopunama Krivičnog zakona Bosne i Hercegovine**, sa sljedećim sadržajem:

“Član 1.

U Krivičnom zakonu Bosne i Hercegovine ('Službeni glasnik BiH', br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15, 35/18, 46/21, 31/23 i 47/23) u članu 1. (Osnovni pojmovi) iza stava (42) dodaje se novi stav (43) koji glasi: '(43) Povratnik je lice koje je ostvarilo povratak u mjesto prijeratnog prebivališta, tu se nastanilo i živi, bez ograničenja u pogledu datuma prijave prebivališta u mjestu prijeratnog prebivališta'. Dosadašnji stav (43) postaje stav (44).

Član 2.

Iza člana 146. dodaje se novi član 146a. koji glasi:

'Napad na povratnika

146a.

(1) Ko ugrozi sigurnost povratnika ozbiljnom prijetnjom da će napasti na život ili tijelo povratnika ili na taj način izazove uznemirenje građana povratnika, kaznit će se kaznom zatvora od tri mjeseca do tri godine.

(2) Ko grubim vrijeđanjem ili zlostavljanjem povratnika, nasiljem prema povratniku, izazivanjem tuče ili naročito drskim ili bezobzirnim ponašanjem ugrožava javni red i mir među povratnicima, kaznit će se kaznom zatvora od tri mjeseca do tri godine.

(3) Ko učestvuje u grupi ljudi koja učini krivično djelo iz st. (1) i (2) ovog člana ili ako je krivičnim djelom iz st. (1) i (2) ovog člana prouzrokovano teško poniženje više lica ili je neko lice lakše tjelesno povrijeđeno, kaznit će se kaznom zatvora od šest mjeseci do pet godina.

Član 3.

Ovaj zakon stupa na snagu osmog dana od dana objavljivanja u 'Službenom glasniku BiH'."

U narednom periodu članovi Radnog tijela dostavit će utvrđeni Prijedlog zakona o dopunama Krivičnog zakona u proceduru, u skladu s odgovarajućim poslovničkim odredbama, na razmatranje i odlučivanje.




Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ПОЛИЦИЈА ДИСТРИКТА



Bosna i Hercegovina
BRČKO DISTRIKT
BOSNE I HERCEGOVINE
POLICIJA DISTRIKTA

Cigłana 8, 76 100 Брчко дистрикт Босне и Херцеговине, Централa: 049/233-200, Тел/факс: 049/216-779, е-маил: brcko@policijabdbih.gov.ba
Cigłana 8, 76 100 Brčko distrikt Bosne i Hercegovine, Centrala: 049/233-200, Tel/fax: 049/216-779, e-mail: brcko@policijabdbih.gov.ba

Broj predmeta: 14.01-04-369/24
Broj akta: 14.01-04.12-12574/24
Datum: 14.02. 2024. godine



Organizaciona jedinica	Klasifikaciona oznaka	Redni broj	Broj priloga
01-	50-4-	2344-2	23

PARLAMENTARNA SKUPŠTINA BIH
PREDSTAVNIČKI DOM
Radno tijelo – Sekretar Zajedničke komisije za ljudska prava
Trg Bosne i Hercegovine 1, 71000 Sarajevo

PREDMET: Prijedlog mjera, dostavlja se-


VEZA: Zaključak sa sastanka Radnog tijela Predstavničkog doma Parlamentarne skupštine Bosne i Hercegovine, održanog dana 30.01.2024. godine

U vezi Zaključaka sa sastanka Radnog tijela Predstavničkog doma Parlamentarne skupštine Bosne i Hercegovine za izradu prijedloga mjera za zaštitu i sigurnost povratnika održanog dana 30.01.2024. godine, dostavljamo Vam prijedlog mjera koje će podrazumjevati prevenciju i veći stepen sigurnosti povratničke populacije:

1. U cilju prevencije i većeg stepena sigurnosti povratničke populacije pozorničko-patrolnom službom (mješovite patrolne) obezbijediti stalno prisustvo policijskih službenika.
2. Izvršiti procjenu stanja sigurnosti povratnika te na osnovu prikupljenih informacija po potrebi organizovati sastanke, kako bi se razmotrili aktuelni problemi.
3. Intenzivirati područni rad policije na terenu kao jednog od oblika saradnje sa povratničkom populacijom.
4. Uspostaviti Područne kancelarije i prisustvo policijskih službenika u njima kako bi povratnici blagovremeno mogli prijavljivati svaki oblik diskriminacije po bilo kom osnovu.

S poštovanjem,

R.I.



Dostaviti:

1. Naslovu,
2. Evidenciji,
3. Arhivi.

Bosna i Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
SARAJEVO

Broj: 01-45-1 - 041
Dana: 13. 02. 2024. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
Radno tijelo-Zajednička komisija za ljudska prava
n/r Sekretara Komisije

Bosnia and Herzegovina
Federation of Bosnia and Herzegovina
MINISTRY OF INTERNAL AFFAIRS OF FEDERATION
OF BOSNIA AND HERZEGOVINA
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJEND: 13-02-2024			
Organizaciona jedinica	Klasifikaciona oznaka	Redni broj	Broj priloga
01	50-4	2344	3/23

PREDMET: Zaključak sa sastanka Radnog tijela Predstavničkog doma Parlamentarne skupštine Bosne i Hercegovine, odgovor, dostavlja se;-

V E Z A: Akt Parlamentarne skupštine Bosne i Hercegovine, broj: 01-50-4-2344-3/23 od 30. 01. 2024. godine.

Poštovani,

Vašim aktom veze upućen je dopis ovom Ministarstvu u kojem se traži dostavljanje prijedloga mjera koje će podrazumjevati prevenciju i veći stepen sigurnosti povratničke populacije u Bosni i Hercegovini.

Shodno navedenom, u prilogu Vam dostavljamo odgovor Federalne uprave policije u sastavu Federalnog ministarstva unutrašnjih poslova.

S poštovanjem,




Prilog: Kao u tekstu

AŠ/AŠ
Sarajevo, M. Spahe 7 tel.:(00387 33) 590-201/ 280 020, lok.:3100 / fax:(00387 33) 590-218 / www.fmup.gov.ba

FMUP-ODG







01/2

Broj: 09-04-3-373/24
Datum: 08.02.2024. godine

8. 2. 2024	
01	221

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO UNUTRAŠNJIH POSLOVA**

N/r ministra dr. Sc. Ramo Isak

**PREDMET: ZAKLJUČAK SA SASTANKA RADNOG TIJELA PREDSTAVNIČKOG DOMA
PARLAMENTARNE SKUPŠTINE BiH, informacija, dostavlja se;**

**VEZA: Akt Predstavničkog doma Parlamentarne skupštine BiH broj 01-50-4-2344-3/23
od 30.01.2024. godine**

Shodno aktu veze, kojim je upućen dopis Predstavničkog doma Parlamentarne skupštine BiH, kojim se traži dostavljanje prijedloga mjera koje će podrazumijevati prevenciju i veći stepen sigurnosti povratničke populacije informišete se o stavu Federalne uprave policije da ova policijska institucija svim svojim kadrovskim, materijalno-tehničkim i sveukupnim institucionalnim kapacitetima pruža podršku drugim sigurnosnim agencijama u državi, kada je riječ o preventivnoj zaštiti povratničke populacije, ali i u situacijama potrebe dokumentovanja krivičnih djela koja se počinje nad ovom populacijom.

Međutim, kao primarni segment rješavanja ovog problema podrazumijeva se sveobuhvatno, a nikako parcijalno, poštivanje ustavnog načela kojim se uređuje segment jednakih prava i zastupljenosti konstitutivnih naroda i ostalih.

Naime, kada je riječ o policijskim strukturama u Federaciji Bosne i Hercegovine, Ustavom Federacije Bosne i Hercegovine (član 17a), propisano je da: „... *ostvarivanje prava konstitutivnih naroda da budu adekvatno zastupljeni u zakonodavnoj, izvršnoj i pravosudnim organima vlasti*“, i shodno navedenom u Zakonu o policijskim službenicima Federacije Bosne i Hercegovine, članom 4. određeno je da: „*Struktura policijskih službenika u policijskom organu odražava nacionalnu strukturu stanovništva FBiH prema popisu stanovništva iz 1991. godine*“, koju odrednicu Federalna uprava policije poštuje i poštivat će dok se u potpunosti ne sprovede Aneks 7. Ustava BiH.

Međutim, iako Ustav Republike Srpske na isti način tretira ovaj segment ostvarivanja prava, nažalost to nije slučaj u Zakonu o policiji i unutrašnjim poslovima, gdje članom 4. u kojem se posmatra „*Nacionalna zastupljenost, zabrana diskriminacije i ravnopravnost polova*“, ipak se nije postupilo u skladu sa Ustavom manjeg BiH entiteta, obzirom da u istom je zakonodavac naveo



da: "Struktura policijskih službenika u Ministarstvu treba da odražava nacionalnu strukturu stanovništva prema posljednjem popisu", koji se desio 2013. godine, pri čemu su u potpunosti derogirani Ustav BiH i Ustav RS-a.

Shodno navedenom, a kako nadležni organi države nisu donijeli odluku da je Aneks 7. Ustava BiH (*Sporazum o izbjeglicama i prognanicima*) u potpunosti sproveden, smatramo da je od ključne važnosti rješavanja problema koji se tiče obaveze povećanja stepena sigurnosti povratničke populacije, potreba poštivanja Ustava BiH, Ustava FBiH i Ustava RS, kada je riječ o zapošljavanju policijskih službenika iz svih konstitutivnih naroda u policijskim institucijama entiteta i države, čime bi se stvorio osjećaj zaštićenosti povratničke populacije i podigao stepen sigurnosti istih na veći nivo, a samim time bi se dovelo i do povratka izbjeglih i rasejanih lica na područja koja su napustila tokom agresije na državu Bosnu i Hercegovinu.

PRILOG:

- Akt Predstavničkog doma Parlamentarne skupštine BiH broj 01-50-4-2344-3/23 od 30.01.2024. godine

S poštovanjem,

**DIREKTOR
(po ovlaštenju Vlade FBiH)
GLAVNI INSPEKTOR**

Vahidin Munjić

2





РЕПУБЛИКА СРПСКА
ВЛАДА
МИНИСТАРСТВО УНУТРАШЊИХ ПОСЛОВА

Трг Републике Српске 1, Бања Лука, тел: 051/338-478, факс: 051/338-944, Е-пошта: vlada@vlada.rs

REPUBLIKA BOSNIA I HERCEGOVINA
ПАРЛАМЕНТАРНА СКУПШТИНА БОСНЕ И ХЕРЦЕГОВИНА
SARAJEVO

Број: С/М-2-2- 052-475/24
Датум: 23.02.2024. године

PRIMLJENO: 04-03-2024			
Organizaciona jedinica	Klasifikaciona oznaka	Redni broj	Broj prijave
01-50-4	2344-3	23	

Парламентарна скупштина БиХ
Представнички дом
Заједничка комисија за људска права, секретару

Предмет: Закључак са састанка Радног тијела Представничког дома Парламентарне скупштине, одговор, *достављамо*.

Веза: Ваш акт број: 01-50-4-2344-3/23 од 30. јануара 2024. године

У вези са актом, број и датум везе, обавјештавамо вас да на територији Републике Српске безбједност повратничке популације није угрожена и да је на задовољавајућем нивоу, те да евидентирани инциденти у које је укључена повратничка популација немају елементе организованог већ су то појединачни случајеви у којима је најчешћи мотив напада користољубље, а не међунационална нетрпељивост. Поред тога, најчешће пријаве се односе на писање графита, истицање застава, оштећење објеката или споменика. По овим пријавама, припадници Министарства унутрашњих послова Републике Српске, одмах су приступили провођењем предвиђених мјера и радњи, а у свим догађајима гдје су идентификовани извршиоци, према истима су предузимане мјере са циљем утврђивања одговорности истих.

Такође, припадници нашег Министарства, свакодневно, кроз непосредан рад на терену и комуникацију са грађанима, као и кроз рад форума за безбједност заједница успостављених на локалном нивоу, посебан акценат у свом раду стављају на пружање адекватног одговора по свим безбједносним захтјевима грађана, при томе уважавајући све специфичности локалних и друштвених заједница, а нарочито имајући у виду етничку различитост на овим просторима.

Министарство унутрашњих послова Републике Српске води рачуна о остваривању пуне личне и имовинске безбједности грађана, па ће у том смислу и наставити са одговорним обављањем полицијских послова. Истовремено, кроз проактиван рад и партнерски однос са друштвеном заједницом и грађанима, ово

Министарство континуирано предузима мјере и радње из своје надлежности са циљем рјешавања идентификованих безбједносних проблема, те превентивне активности како би се одржала повољна безбједност повратника и њихове имовине.

С поштовањем,

**МИНИСТАР**
Др Силвија Каран



Република Српска
ВЛАДА

РЕПУБЛИЧКИ СЕКРЕТАРИЈАТ ЗА РАСЕЉЕНА ЛИЦА И МИГРАЦИЈЕ

Трг Републике Српске 1, Бања Лука, тел: 051/338-312, факс: 051/338-971, Е-mail: rslm@rslm.vladars.rs
www.vladars.rs



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Број: 26.01-055-7/24
Дана, 05.02. 2024.

PRIMLJENO: 28-02-2024			
Organizaciona jedinica	Klasifikaciona oznaka	Redni broj	Broj prijloga
01-	50-4-	2344-	7/24

Радно тијело Представничког дома Парламентарне скупштине БиХ за израду приједлога мјера за заштиту и сигурност повратника н/р Предсједавајући Нихад Омеровић

Предмет: Приједлог мјера, доставља се.-


Поштовани,

У циљу стварања повољног безбједносног амбијента и подизања стандарда живљења у повратничким срединама, поред анализе стања, појачаног присуства полиције, измјена и допуна Кривичног закона, већег степена подршке надлежних институција, вођења евиденција и статистика, као додатни механизам у рјешавању ове проблематике предлажемо и активирање локалних безбједносних форума, унапређење сарадње са повратничким удружењима и већи степен координације на свим нивоима власти.

С поштовањем,



Директор
Двор Чордаш





Broj: 06-41-6-2224-5/23/APP
Sarajevo, 9. 2. 2024. godine

PRIMLJENO: 21-02-2024			
Organizaciona jedinica	Klasifikaciona oznaka	Redni broj	Broj priloga
01-	10-9-	2344+	3/23

Bosna i Hercegovina
Parlamentarna skupština Bosne i Hercegovine
Dom naroda
n/p g. Nihad Omerović, predsjedavajući Radne grupe Predstavničkog doma BiH

PREDMET: Prijedlog mjera za prevenciju i veći stepen sigurnosti povratničke populacije, dostavlja se-

Veza: Vaš akt broj: 01-4-2344-2-3/23 od 30.1.2024. godine

Poštovani,

Kako bi svi bosanskohercegovački građani u potpunosti uživali nesmetan pristup svim pravima koja su definirana u Aneksu VII Dejtonskog mirovnog sporazuma, tokom 2008. godine, Ministarstvo za ljudska prava i izbjeglice BiH je pripremlilo Revidiranu Strategiju Bosne i Hercegovine za provedbu Aneksa VII Dejtonskog mirovnog sporazuma. Revidirana Strategija je usvojena na 47. sjednici Doma naroda Parlamentarne skupštine BiH i ista je objavljena u Službenom glasniku BiH, broj: 78/10. U okviru rada na Revidiranoj Strategiji BiH, posebna konsultativna radna podgrupa se bavila analizom ustavnih i zakonskih rješenja, u vezi sa pitanjima sigurnosti raseljenih osoba i povratnika što je rezultiralo prijedlogom određenih rješenja i mjera.

U skladu sa preporukama iz Revidirane strategije za provedbu Aneksa VII Dejtonskog mirovnog sporazuma Ministarstvo za ljudska prava i izbjeglice BiH predlaže sljedeće mjere za prevenciju i veći stepen sigurnosti povratničke populacije:

Osigurati da entitetska ministarstva unutrašnjih poslova, kao i službe sigurnosti Brčko distrikta dostavljaju Ministarstvu sigurnosti BiH i Ministarstvu za ljudska prava i izbjeglice BiH informacije o napadima na povratnike i njihovu imovinu, posljedicama koje su nastupile i mjerama koje su preduzete prema izvršiocima tih djela, kako bi bili u mogućnosti dati objektivnu analizu stanja u predmetnoj oblasti i, u vezi s tim, predlagati mjere za otklanjanje svih vidova ugrožavanja i diskriminacije prema povratničkoj populaciji.

Ministarstvo za ljudska prava i izbjeglice BiH na taj način bi imalo aktivniju ulogu u koordiniranju poslova iz svoje nadležnosti, tako i u odnosu na segment sigurnosti povratnika. Također, ažurne informacije o stanju sigurnosti bile bi dostupne institucijama vlasti u BiH. Sigurnošću se treba baviti na koordiniran način, kako bi i drugi subjekti dali svoj doprinos u cilju provođenja profesionalnih istražnih postupaka i unaprijedili stanje u ovoj oblasti.

Pokrenuti inicijativu da kadrovska zastupljenost i nacionalna izbalansiranost zaposlenih u policijskim strukturama bude zastupljena u skladu sa odlukom Ustavnog suda BiH o konstitutivnosti naroda, čime bi bila izbjegnuta diskriminacija u zapošljavanju povratnika u odnosu na domicilno stanovništvo, a što bi sigurno unaprijedilo stanje u oblasti sigurnosti.

Potrebno je da se procesuiraju osobe za koje se osnovano sumnja da su počinile ratne zločine jer jedan broj njih živi u područjima na kojima su počinjeni zločini, a u ta područja su se vratila ili se žele vratiti pripadnici tzv. „manjinskih“ naroda. Osjeća se izostanak politike i strategije koja bi se bavila optužbama za počinjene zločine na ovim područjima, tako da takav ambijent ne doprinosi održivosti povratka niti pomaže prevazilaženju straha kod povratnika.

Hašenje i procesuiranje svih osumnjičenih za ratne zločine je od značaja za održivi povratak. Kao i implementacija državne Strategije za rad na predmetima ratnih zločina.

Potrebno je intenzivirati aktivnosti pripadnika policije na cijelom području BiH da, u okviru realizacije svojih redovnih i planskih aktivnosti, posebnu pažnju poklone povratničkoj populaciji putem redovnih obilazaka patrolnih sektora i pozoričkih reiona, čime će doprinijeti vraćanju povjerenja u policiju. Neophodno je istrajati na dosljednom provođenju istražnih radnji i procesuiranju osumnjičenih za počinjene prekršaje i krivična djela koja su usmjerena prema povratnicima. Preventivno-operativni rad i češće prisustvo na terenu pripadnika policije doprinijelo bi ponovnom uspostavljanju operativne komunikacije sa povratnicima, čime bi se stanje sigurnosti, gledano u cjelini, značajno unaprijedilo.

Na inicijativu Ministarstva za ljudska prava i izbjeglice Bosne i Hercegovine iz 2020. godine, Visoko sudsko i tužilačko vijeće (VSTV) je u 2021. godini donijelo odluku o dopuni evidencije u sudskom/tužilačkom sistemu za automatsko upravljanje predmetima u smislu evidentiranja krivičnih djela počinjenih prema raseljenim osobama i povratnicima, a kojima je ugrožena sigurnost raseljenih osoba i povratnika. Na osnovu ove odluke, pravosudne institucije su u mogućnosti označavati krivične predmete koji se vode protiv osoba osumnjičenih/optuženih za krivična djela za koja postupajući nosilac pravosudne funkcije ocijeni da je njihovim izvršenjem ugrožena sigurnost raseljenih osoba ili povratnika. Podaci VSTV-a, zaprimljeni nakon ove instrukcije govore da se vrlo mali broj prijava tretiraju kao ovakva krivična djela, što sugeriše da se počinioci kažnjavaju blaže, odnosno u prekršajnom postupku.

Prioritetan zadatak i odgovornost države, entiteta, kantona i lokalnih zajednica je da omoguće svim izbjeglicama, raseljenim osobama i povratnicima uživanje fizičke sigurnosti i pristup njihovim osnovnim građanskim i ljudskim pravima i slobodama bez bilo kakve diskriminacije ili rizika od povrede.

Sa poštovanjem,

Dostavljeno:

- 1x naslovu,
- 1x Radno tijelo-Zajednička komisija za ljudska prava,
- 1x Sekretarka-Zajednička komisija za ljudska prava,
- 1x a/a.

